

大般若波羅蜜多經

第四百二十四

生四

四十二

47221



佛日增輝 轉法輪常轉

山城州天安寺法金剛院置

元祿九年丙子二月

皇國聖國 帝德無疆



大般若波羅蜜多經卷第四百一十四 生

三藏法師 玄奘奉 詔譯

第二分三摩地品第十六之二

復次善現菩薩摩訶薩大乘相者謂無量百
千無上微妙諸三摩地即健行三摩地寶印
三摩地師子遊戲三摩地妙月三摩地月幢
相三摩地一切法涌三摩地觀頂三摩地法
界決定三摩地決定幢相三摩地金剛喻三
摩地入法印三摩地放光無忘失三摩地善
立定王三摩地放光三摩地精進力三摩地
等涌三摩地入一切言詞決定三摩地等入
增語三摩地觀方三摩地揔持印三摩地無

忘失三摩地諸法等趣海印三摩地遍覆虛
空三摩地金剛輪三摩地離塵三摩地遍照
三摩地不昀三摩地無相住三摩地不思惟
三摩地無垢燈三摩地無邊光三摩地發光
三摩地普照三摩地淨堅定三摩地無垢光
三摩地發妙樂三摩地電燈三摩地無盡
摩地具威光三摩地離盡三摩地無動三摩
地無瑕隙三摩地日燈三摩地淨月三摩地
淨光三摩地發明三摩地作所應作三摩地
智幢相三摩地金剛鬘三摩地住心三摩地
普明三摩地善住三摩地寶積三摩地妙法
印三摩地一切法平等性三摩地捨愛樂三

摩地入法頂三摩地飄散三摩地分別法句
三摩地平等字相三摩地離文字相三摩地
斷所緣三摩地無變異三摩地無品類三摩
地無相行三摩地離翳闇三摩地具行三摩
地不變動三摩地度境界三摩地集一切功
德三摩地決定住三摩地無心住三摩地淨
妙花三摩地具覺支三摩地無邊燈三摩地
無邊辯三摩地無等等三摩地超一切法三
摩地決判諸法三摩地散疑網三摩地無所
住三摩地一相莊嚴三摩地引發行相三摩
地一行相三摩地離行相三摩地妙行相三
摩地達諸有底散壞三摩地入施設語言三

摩地解脫音聲文字三摩地炬熾然三摩地
嚴淨相三摩地無標幟三摩地具一切妙相
三摩地不喜一切苦樂三摩地無盡行相三
摩地具陀羅尼三摩地攝伏一切正性邪性
三摩地靜息一切違順三摩地離憎愛三摩
地無垢明三摩地具堅固三摩地滿月淨光
生三摩地大莊嚴三摩地照一切世間三摩地
四十四定平等性三摩地有諍無諍平等理趣三摩
地無巢穴無標幟無愛樂三摩地決定安住
真如三摩地離身穢惡三摩地離語穢惡三
摩地離意穢惡三摩地如虛空三摩地無染
著如虛空三摩地如是等三摩地有無量百

千是爲菩薩摩訶薩大乘相

善現云何名爲健行三摩地謂若住此三摩地時能受一切三摩地境能辦無邊殊勝健行能爲一切等持導首是故名爲健行三摩地云何名爲寶印三摩地爲此三摩地能印一切定是故名爲寶印三摩地云何名爲師子遊戲三摩地謂若住此三摩地時於諸勝定遊戲自在是故名爲師子遊戲三摩地云何名爲妙月三摩地謂若住此三摩時如淨滿月普照諸定是故名爲妙月三摩地云何名爲月幢相三摩地謂若住此三摩地時普能任持諸定勝相是故名爲月幢相三摩地

云何名為一切法涌三摩地謂若住此三摩地時普能涌出一切勝定是故名為一切法涌三摩地云何名為觀頂三摩地謂若住此三摩地時普能觀察一切定頂是故名為觀頂三摩地云何名為法界決定三摩地謂若住此三摩地時能於法界決定照了是故名生為法界決定三摩地云何名為決定幢相三摩地謂若住此三摩地時能決定持諸定幢相是故名為決定幢相三摩地云何名為金剛喻三摩地謂若住此三摩地時能摧諸定非彼所伏是故名為金剛喻三摩地云何名為入法印三摩地謂若住此三摩地時普能

證入一切法印是故名爲入法印三摩地云
何名爲放光無忘失三摩地謂若住此三摩
地時放勝定光照有情類令彼憶念曾所受
法是故名爲放光無忘失三摩地云何名爲
善立定王三摩地謂若住此三摩地時於諸
定王善能建立是故名爲善立定王三摩地
云何名爲放光三摩地謂若住此三摩地時
於諸定光普能開發是故名爲放光三摩地
云何名爲精進力三摩地謂若住此三摩地
時能發諸定精進勢力是故名爲精進力三
摩地云何名爲等涌三摩地謂若住此三摩
地時令諸等持平等涌現是故名爲等涌三

摩地云何名爲入一切言詞決定三摩地謂
若住此三摩地時於諸言詞決定悟入是故
名爲入一切言詞決定三摩地云何名爲等
入增語三摩地謂若住此三摩地時於諸定
名普能悟入訓釋理趣是故名爲等入增語
三摩地云何名爲觀方三摩地謂若住此三
摩地時於諸定方普能觀照是故名爲觀方
三摩地云何名爲揔持印三摩地謂若住此
三摩地時能揔任持諸定妙印是故名爲揔
持印三摩地云何名爲無忘失三摩地謂若
住此三摩地時於諸定相皆無忘失是故名
爲無忘失三摩地云何名爲諸法等趣海印

三摩地謂若住此三摩地時令諸勝定等等皆
趣入如大海印攝受衆流是故名爲諸法等
趣海印三摩地云何名爲遍覆虛空三摩地
謂若住此三摩地時於諸等持遍能覆護無
所簡別如太虛空是故名爲遍覆虛空三摩
地云何名爲金剛輪三摩地謂若住此三摩
生地時普能任持一切勝定令不散壞如金剛
四輪是故名爲金剛輪三摩地云何名爲離塵
三摩地謂若住此三摩地時能滅一切煩惱
纏垢是故名爲離塵三摩地云何名爲遍照
三摩地謂若住此三摩地時遍照諸定令甚
光顯是故名爲遍照三摩地云何名爲不眴

三摩地謂若住此三摩地時更不希求餘定
餘法是故名爲不眴三摩地云何名爲無相
住三摩地謂若住此三摩地時不見諸定中
有少法可住是故名爲無相住三摩地云何
名爲不思惟三摩地諸若住此三摩地時所
有下劣心心所法悉皆不轉是故名爲不思
惟三摩地云何名爲無垢燈三摩地謂若住
此三摩地時如持淨燈照了諸定是故名爲
無垢燈三摩地云何名爲無邊光三摩地謂
若住此三摩地時能發大光照無邊際是故
名爲無邊光三摩地云何名爲發光三摩地
謂若住此等持無間能發一切勝定光明是

故名爲發光三摩地云何名爲普照三摩地
謂若得此等持無間即能普照諸勝定門是
故名爲普照三摩地云何名爲淨堅定三摩
地謂若住此三摩地時得諸等持淨平等性
是故名爲淨堅定三摩地云何名爲無垢光
三摩地謂若住此三摩地時能普蠲除一切
生定垢是故名爲無垢光三摩地云何名爲發
四十四妙樂三摩地謂若住此三摩地時領受一切
等持妙樂是故名爲發妙樂三摩地云何名
爲電燈三摩地謂若住此三摩地時照諸等
持如電光焰是故名爲電燈三摩地云何名
爲無盡三摩地謂若住此三摩地時引諸等

持功德無盡而不見彼盡不盡相是故名爲
無盡三摩地云何名爲具威光三摩地謂若
住此三摩地時於諸等持威光獨盛是故名
爲具威光三摩地云何名爲離盡三摩地謂
若住此三摩地時見諸等持一切無盡而不
見有盡不盡相是故名爲離盡三摩地云何
名爲無動三摩地謂若住此三摩地時令諸
等持無動無掉亦無戲論是故名爲無動三
摩地云何名爲無瑕隙三摩地謂若住此三
摩地時令諸等持見無瑕隙是故名爲無瑕
隙三摩地云何名爲日燈三摩地謂若住此
三摩地時令諸定門發光普照是故名爲日

燈三摩地云何名爲淨月三摩地謂若住此
三摩地時令諸等持除闇如月是故名爲淨
月三摩地云何名爲淨光三摩地謂若住此
三摩地時於一切等持得四無礙解是故名
爲淨光三摩地云何名爲發明三摩地謂若
住此三摩地時令諸定門發明普照是故名
爲發明三摩地云何名爲作所應作三摩地
謂若住此三摩地時辦諸等持所應作事又
令諸定所作事成是故名爲作所應作三摩
地云何名爲智幢相三摩地謂若住此三摩
地時見諸等持妙智幢相是故名爲智幢相
三摩地云何名爲金剛鬘三摩地謂若住此

三摩地時雖能通達一切法而不見有通達
相是故名爲金剛鬘三摩地云何名爲住心
三摩地謂若住此三摩地時心不動搖不轉
不照亦不損滅不念有心是故名爲住心三
摩地云何名爲普明三摩地謂若住此三摩
地時於諸定明普能觀照是故名爲普明三
摩地云何名爲善住三摩地生謂若住此三摩四十四
地時於諸等持善能安住是故名爲善住三六
摩地云何名爲寶積三摩地謂若住此三摩
地時觀諸等持皆如寶聚是故名爲寶積三
摩地云何名爲妙法印三摩地謂若住此三
摩地時能印諸等持以無印印故名爲妙法

妙法印三摩地云何名爲一切法平等性三摩地謂若住此三摩地時不見有法離平等性是故名爲一切法平等性三摩地云何名爲捨愛樂三摩地謂若住此三摩地時於一切法捨諸愛樂是故名爲捨愛樂三摩地云何名爲入法頂三摩地謂若住此三摩地時於一切法能除闇障亦於諸定能爲上首是故名爲入法頂三摩地云何名爲飄散三摩地謂若住此三摩地時飄散一切定執法執是故名爲飄散三摩地云何名爲分別法句三摩地謂若住此三摩地時善能分別諸定法句是故名爲分別法句三摩地云何名爲

平等字相三摩地謂若住此三摩地時得諸
等持平等字相是故名爲平等字相三摩地
云何名爲離文字相三摩地謂若住此三摩
地時於諸等持不得一字是故名爲離文字
相三摩地云何名爲斷所緣三摩地謂若住
此三摩地時絕諸等持所緣境相是故名爲
生斷所緣三摩地云何名爲無變異三摩地謂
四十四若住此三摩地時不得諸法變異之相是故
七名爲無變異三摩地云何名爲無品類三摩
地謂若住此三摩地時不見諸法品類別相
是故名爲無品類三摩地云何名爲無相行
三摩地謂若住此三摩地時於諸定相都無

所得是故名爲無相行三摩地云何名爲離
翳闇三摩地謂若住此三摩地時於諸定翳
闇無不除遣是故名爲離翳闇三摩地云何
名爲具行三摩地謂若住此三摩地時於諸
定行都無見執是故名爲具行三摩地云何
名爲不變動三摩地謂若住此三摩地時於
諸等持不見變動是故名爲不變動三摩地
云何名爲度境界三摩地謂若住此三摩地
時超諸等持所緣境界是故名爲度境界三
摩地云何名爲集一切功德三摩地謂若住
此三摩地時能集諸定所有功德於一切法
而無集想是故名爲集一切功德三摩地云

何名爲決定住三摩地謂若住此三摩地時
於諸定心雖決定住而知其相了不可得是
故名爲決定住三摩地云何名爲無心住三
摩地謂若住此三摩地時心於諸定無轉無
隨是故名爲無心住三摩地云何名爲淨妙
花三摩地謂若住此三摩地時令諸等持皆
得清淨嚴飾光顯猶如妙花是故名爲淨妙
花三摩地云何名爲具覺支三摩地謂若住
此三摩地時令一切定修七覺支速得圓滿
是故名爲具覺支三摩地云何名爲無邊燈
三摩地謂若住此三摩地時於一切法皆能
照了譬如明燈是故名爲無邊燈三摩地云

何名爲無邊辯三摩地謂若住此三摩地時
於一切法得無邊辯是故名爲無邊辯三摩
地云何名爲無等等三摩地謂若住此三摩
地時於諸等持得平等性亦令諸定成無等
等是故名爲無等等三摩地云何名爲超一
切法三摩地謂若住此三摩地時普能超度
生三界諸法是故名爲超一切法三摩地云何
四十四名爲決判諸法三摩地謂若住此三摩地時
於諸勝定及一切法能爲有實決判是
故名爲決判諸法三摩地云何名爲散疑網
三摩地謂若住此三摩地時於諸等持及一
切法所有疑網皆能除散是故名爲散疑網

三摩地云何名爲無所住三摩地謂若住此
三摩地時不見諸法有所住處是故名爲無
所住三摩地云何名爲一相莊嚴三摩地謂
若住此三摩地時不見諸法二相可取是故
名爲一相莊嚴三摩地云何名爲引發行相
三摩地謂若住此三摩地時於諸等持及一
切法雖能引發種種行相而都不見能引發
者是故名爲引發行相三摩地云何名爲一
切行相三摩地謂若住此三摩地時見諸等
持無二行相是故名爲一行相三摩地云何名
爲離行相三摩地謂若住此三摩地時見諸
等持都無行相是故名爲離行相三摩地云

何名爲妙行相三摩地謂若住此三摩地時
令諸等持起妙行相是故名爲妙行相三摩
地云何名爲達諸有底散壞三摩地謂若住
此三摩地時於諸等持及一切法得通達智
如寶悟入既得入已於諸有法通達散壞令
無所遺是故名爲達諸有底散壞三摩地云
生何名爲入施設語言三摩地謂若住此三摩
四十四地時悟入一切三摩地施設語言無著無
礙是故名爲入施設語言三摩地云何名爲
解脫音聲文字三摩地謂若住此三摩地時
見諸等持解脫一切音聲文字衆相寂滅是
故名爲解脫音聲文字三摩地云何名爲炬

熾然三摩地謂若住此三摩地時於諸等持
威光照曜是故名爲炬熾然三摩地云何名
爲嚴淨相三摩地謂若住此三摩地時於諸
等持能嚴淨相謂於諸相皆能除滅是故名
爲嚴淨相三摩地云何名爲無慄懺三摩地
謂若住此三摩地時於諸等持不見慄懺是
故名爲無慄懺三摩地云何名爲具一切妙
相三摩地謂若住此三摩地時諸定妙相無
不具足是故名爲具一切妙相三摩地云何
名爲不喜一切苦樂三摩地謂若住此三摩
地時於諸等持苦樂之相不樂觀察是故名
爲不喜一切苦樂三摩地云何名爲無盡行

相三摩地謂若住此三摩地時不見諸定行相有盡是故名爲無盡行相三摩地云何名爲具陀羅尼三摩地謂若住此三摩地時能摠任持諸定勝事是故名爲具陀羅尼三摩地云何名爲攝伏一切正性邪性三摩地謂若住此三摩地時於諸等持正性邪性攝伏諸見皆令不起是故名爲攝伏一切正性邪性三摩地云何名爲靜息一切違順三摩地謂若住此三摩地時於諸等持及一切法都不見有違順之相是故名爲靜息一切違順三摩地云何名爲離憎愛三摩地謂若住此三摩地時於諸等持及一切法都不見有憎

愛之相是故名爲離憎愛三摩地云何名爲
無垢明三摩地謂若住此三摩地時於諸等
持都不見有明相垢相是故名爲無垢明三
摩地云何名爲具堅固三摩地謂若住此三
摩地時令諸等持皆得堅固是故名爲具堅
固三摩地云何名爲滿月淨光三摩地謂若
生住此三摩地時令諸等持功德增益如淨滿才
月光憎海水是故名爲滿月淨光三摩地云
何名爲大莊嚴三摩地謂若住此三摩地時
令諸等持成就種種微妙若有大莊嚴事是
故名爲大莊嚴三摩地云何名爲照一切世
間三摩地謂若住此三摩地時照諸等持及

一切法令有情類皆得開曉是故名爲照
切世間三摩地云何名爲定平等性三摩地
謂若住此三摩地時不見等持定散差別是
故名爲定平等性三摩地云何名爲有諍無
諍平等理趣三摩地謂若住此三摩地時不
見諸法及一切定有諍無諍性相差別是故
名爲有諍無諍平等理趣三摩地云何名爲
無巢穴無慄懾無愛樂三摩地謂若住此三
摩地時破諸巢穴捨諸慄懾斷諸愛樂而無
所執是故名爲無巢穴無慄懾無愛樂三摩
地云何名爲決定安住真如三摩地謂若住
此三摩地時於諸等持及一切法常不棄捨

真如實相是故名爲決定安住真如三摩地
云何名爲離身穢惡三摩地謂若住此三摩
地時令諸等持破壞身見是故名爲離身穢
惡三摩地云何名爲離語穢惡三摩地謂若
住此三摩地時令諸等持壞語惡業是故名
爲離語穢惡三摩地云何名爲離意穢惡三
生摩地謂若住此三摩地時令諸等持壞意惡
四十四業是故名爲離意穢惡三摩地云何名爲如
虛空三摩地謂若住此三摩地時於諸有情
普能饒益其心平等如太虛空是故名爲如
虛空三摩地云何名爲無染著如虛空三摩
地謂若住此三摩地時觀一切法都無所有

如淨虛空無染無著是故名爲無染著如虛
空三摩地善現如是等有無量百千微妙希
有勝三摩地當知是爲菩薩摩訶薩大乘相
第二分念住等品第十七之一

復次善現菩薩摩訶薩大乘相者謂四念住
云何爲四一身念住二受念住三心念住四
法念住身念住者謂菩薩摩訶薩修行般若
波羅蜜多時以無所得而爲方便雖於內身
住循身觀或於外身住循身觀或於內外身
住循身觀而永不起身俱尋思熾然精進正
知具念調伏貪憂受念住者謂菩薩摩訶薩
修行般若波羅蜜多時以無所得而爲方便

雖於內受住循受觀或於外受住循受觀或於內外受住循受觀而求不起受俱尋思熾然精進正知具念調伏貪憂心念住者謂菩薩摩訶薩修行般若波羅蜜多時以無所得而爲方便雖於內心住循心觀或於外心住循心觀或於內外心住循心觀而求不起心俱尋思熾然精進正知具念調伏貪憂法念住者謂菩薩摩訶薩修行般若波羅蜜多時以無所得而爲方便雖於內法住循法觀或於外法住循法觀或於內外法住循法觀而求不起法俱尋思熾然精進正知具念調伏貪憂云何菩薩摩訶薩修行般若波羅蜜多

時以無所得而為方便於內身住循身觀熾
然精進正知具念調伏貪憂善現若菩薩摩
訶薩修行般若波羅蜜多時以無所得而為
方便審觀自身行時知行住時知住坐時知
坐卧時知卧如如自身威儀差別如是如是
熾然精進正知具念調伏貪憂是為菩薩摩
生 四三十四 十二
訶薩修行般若波羅蜜多時以無所得而為
方便於內身住循身觀熾然精進正知具念
調伏貪憂復次善現若菩薩摩訶薩修行般
若波羅蜜多時以無所得而為方便審觀自
身正知往來正知瞻顧正知俯仰正知屈伸
服僧伽胝執持衣鉢若食若飲偃息經行坐

起承迎寤寐語默入出諸定皆念正知是爲
菩薩摩訶薩修行般若波羅蜜多時以無所
得而爲方便於內身住循身觀熾然精進正
知具念調伏貪憂復次善現若菩薩摩訶薩
修行般若波羅蜜多時以無所得而爲方便
審觀自身於息入時念知息入於息出時念
知息出於息長時念知息長於息短時念知
息短如轉輪師或彼弟子輪勢長時知輪勢
長輪勢短時知輪勢短是菩薩摩訶薩亦復
如是念知諸息若入若出長短差別是爲菩
薩摩訶薩修行般若波羅蜜多時以無所得
而爲方便於內身住循身觀熾然精進正知

俱念調伏貪憂復次善現若菩薩摩訶薩修
行般若波羅蜜多時以無所得而為方便審
觀自身諸界差別所謂地界水火風界如巧
屠師或彼弟子斷牛命已復用利刀分折其
身割為四分若坐若立如實觀知是菩薩摩
訶薩亦復如是觀察自身地水火風四界差
別是為菩薩摩訶薩修行般若波羅蜜多時
以無所得而為方便於內身住循身觀熾然
精進正知具念調伏貪憂復次善現若菩薩
摩訶薩修行般若波羅蜜多時以無所得而
為方便審觀自身從足至頂種種不淨充滿
其中外為薄皮之所纏裹所謂此身唯有種

生

四十四

十三

才

種髮毛爪齒皮革血肉筋脉骨髓心肝肺腎
脾膽胞睥大腸小腸屎尿涕唾涎淚垢汗痰
膿肪膈腦膜腦膻如是不淨充滿身中如有
農夫或諸長者倉中盛滿種種雜穀所謂稻
麻粟豆麥等有明目者開倉覩之能如實知
其中唯有稻麻粟等種種雜穀是菩薩摩訶
薩亦復如是審觀自身從足至頂不淨充滿
不可貪樂是爲菩薩摩訶薩修行般若波羅
蜜多時以無所得而爲方便於內身住循身
觀熾然精進正知具念調伏貪憂復次善現
若菩薩摩訶薩修行般若波羅蜜多時以無
所得而爲方便往澹泊路觀所棄死死經一

日或經二日乃至七日其身腫脹色變青瘀
臭爛皮穿膿血流出見是事已自念我身有
如是性具如是法未得解脫終歸如是是為
菩薩摩訶薩修行般若波羅蜜多時以無所
得而為方便於內身住循身觀熾然精進正
知具念調伏貪憂復次善現若菩薩摩訶薩

修行般若波羅蜜多時以無所得而為方便
往澹泊路觀所棄屍死經一日或經二日乃
至七日為諸鵙鷲烏鵲鷄梟虎豹狐狼野干
狗等種種禽獸或啄或齧骨肉狼籍齧掣食
噉見是事已自念我身有如是性具如是法
未得解脫終歸如是是為菩薩摩訶薩修行

生

若四下由

十四

才

般若波羅蜜多時以無所得而為方便於內
 身住循身觀熾然精進正知具念調伏貪憂
 復次善現若菩薩摩訶薩修行般若波羅蜜
 多時以無所得而為方便往澹泊路觀所棄
 屍禽獸食已不淨潰爛膿血流離有無量種
 蟲蛆雜出臭穢可汗過於死狗見是事已自
 念我身有如是性具如是法未得解脫終歸
 如是是為菩薩摩訶薩修行般若波羅蜜多
 時以無所得而為方便於內身住循身觀熾
 然精進正知具念調伏貪憂復次善現若菩
 薩摩訶薩修行般若波羅蜜多時以無所得
 而為方便往澹泊路觀所棄屍蟲蛆食已肉

離骨現肢節相連筋纏血塗尚餘腐肉見是
事已自念我身有如是性具如是法未得解
脫終歸如是是為菩薩摩訶薩修行般若若波
羅蜜多時以無所得而為方便於內身住循
身觀熾然精進正知具念調伏貪憂復次善
現若菩薩摩訶薩修行般若若波羅蜜多時以
無所得而為方便往澹泊路觀所棄屍已成
骨鎖血肉都盡餘筋相連見是事已自念我
身有如是性具如是法未得解脫終歸如是
是為菩薩摩訶薩修行般若若波羅蜜多時以
無所得而為方便於內身住循身觀熾然精
進正知具念調伏貪憂復次善現若菩薩摩訶

訶薩修行般若波羅蜜多時以無所得而為
方便往澹泊路觀所棄屍但餘衆骨其骨皓
白色如珂雪諸筋糜爛肢節分離見是事已
自念我身有如是性具如是法未得解脫終
歸如是是為菩薩摩訶薩修行般若波羅蜜
多時以無所得而為方便於內身住循身觀
生 熾然精進正知具念調伏貪憂復次善現若
者四下口 菩薩摩訶薩修行般若波羅蜜多時以無所
得而為方便往澹泊路觀所棄屍成白骨已
肢節分散零落異方見是事已自念我身有
如是性具如是法未得解脫終歸如是是為
菩薩摩訶薩修行般若波羅蜜多時以無所

得而爲方便於內身住循身觀熾然精進正
知具念調伏貪憂復次善現若菩薩摩訶薩
修行般若波羅蜜多時以無所得而爲方便
往澹泊路觀所棄屍諸骨分離各在異處足
骨異處脰骨異處膝骨異處胫骨異處髓骨
異處脊骨異處脇骨異處育骨異處膊骨異
處臂骨異處手骨異處項骨異處頷骨異處
類骨異處其髑髏骨亦在異處見是事已自
念我身有如是性具如是法未得解脫終歸
如是是爲菩薩摩訶薩修行般若波羅蜜多
時以無所得而爲方便於內身住循身觀熾
然精進正知具念調伏貪憂復次善現若菩

薩摩訶薩修行般若波羅蜜多時以無所得
而爲方便往澹泊路觀所棄屍骸骨狼藉風
吹日曝兩灌霜封積有歲年色如珂雪見是
事已自念我身有如是性具如是法未得解
脫終歸如是是爲菩薩摩訶薩修行般若波
羅蜜多時以無所得而爲方便於內身住循
身觀熾然精進正知具念調伏貪憂復次善
現若菩薩摩訶薩修行般若波羅蜜多時以
無所得而爲方便往澹泊路觀所棄屍餘骨
散地經多百歲或多千年其相變青狀如鴿
色或有腐朽碎末如塵與土相和難可分別
見是事已自念我身有如是性具如是法未

得解脫終歸如是是為菩薩摩訶薩修行般
若波羅蜜多時以無所得而為方便於內身
住循身觀熾然精進正知具念調伏貪憂善
現諸菩薩摩訶薩修行般若波羅蜜多時以
無所得而為方便如於內身如是差別住循
身觀熾然精進正知具念調伏貪憂於外身
生 四十四 十六
住循身觀於內外身住循身觀熾然精進正
知具念調伏貪憂隨其所應亦復如是善現
諸菩薩摩訶薩修行般若波羅蜜多時以無
所得而為方便於內外俱受心法住循受心
法觀熾然精進正知具念調伏貪憂隨其所
應皆應廣說善現如是菩薩摩訶薩修行般

若波羅蜜多以無所得而爲方便。於內外俱身受心法住。循身受心法觀時。雖作是觀而無所得。善現當知。是爲菩薩摩訶薩大乘相。復次善現。菩薩摩訶薩大乘相者。謂四正斷云何。爲四善現。若菩薩摩訶薩修行般若波羅蜜多時。以無所得而爲方便。於諸未生惡不善法。爲不生。故生欲策勵發起正勤策心。持心是爲第一。若菩薩摩訶薩修行般若波羅蜜多時。以無所得而爲方便。於諸已生惡不善法。爲永斷。故生欲策勵發起正勤策心。持心是爲第二。若菩薩摩訶薩修行般若波羅蜜多時。以無所得而爲方便。未生善法。爲

令生故生欲策勵發起正勤策心持心是爲
第三若菩薩摩訶薩修行般若波羅蜜多時
以無所得而爲方便已生善法爲今安住不
忘增廣倍修滿故生欲策勵發起正勤策心
持心是爲第四善現當知是爲菩薩摩訶薩
大乘相

大般若波羅蜜多經卷第四百一十四 生
大檀越成忠郎趙晉一力刊經一部六百卷



